

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy, Infrastructure,
Physical Planning Construction and
Environmental Protection

Broj: 05/01-04-38989-5/21

Datum: 04.01.2022.godine

SKUPŠTINA KANTONA SARAJEVO

N/r Predsjedavajućeg

- OVDJE -

PREDMET: Odgovor na zastupničko pitanje – dostavlja se,

-Veza vaš akt broj: 01-04-38989-5 od 22.10.2021. godine.

Zastupnik Samir Suljević na 43. Radnoj sjednici Skupštine Kantona Sarajevo, održanoj dana 22.10.2021. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo postavio je **zastupničko pitanje** koje glasi:

Dokle se došlo sa realizacijom projekata, definisanih vodnom i okolinskom dozvolom, na deponiji Smiljevići, koji su tretirani Zaključkom Skupštine KS i Vlade KS od 27.06.2019. godine, a do sada nisu realizovani, niti su poduzete adekvatne mjere i aktivnosti za realizaciju, do roka utvrđenog dozvolama. To su projekti na izgradnji postrojenja za predtretman podzemnih voda deponije Smiljevići i izgradnja kolektora Zabrdje – Butila, od kojih zavisi funkcionisanje deponije Smiljevići. Kako je projekat za izgradnju, kao i sama izgradnja novih ploha za odlaganje komunalnog otpada u velikom kašnjenju, može se desiti da Deponija, na proljeće neće imati kapacitet za dalje odlaganje.

Takođe me interesuje da mi se da informacija o tome, da li će planirana sredstva za 2022.godinu biti dovoljna da se ispunе uslovi Vodne i Okolinske dozvole, na koje se Vlada KS obavezala?



web: <http://mki.ks.gov.ba>

e-mail: mki@mki.ks.gov.ba

Tel: + 387 (0) 33 562-086.

Fax: + 387 (0) 33 562-177

Sarajevo, Reisa Džemaludina Čauševića 1



ODGOVOR:

U vezi postavljenog pitanja možemo Vas informisati prije svega, da je za realizaciju određenih projekata na deponiji „Smiljevići“ bilo potrebno najprije pripremiti odgovarajuću revidovanu projektnu dokumentaciju. S tim u vezi, nadležno Ministarstvo je odmah pristupilo provođenju javnih nabavki usluga za: izrade projektnih zadataka, dopune postojećih projekata, reviziji nerevidovanih projekata.

Ministarstvo je provelo proceduru javne nabavke za izradu četiri projektna zadatka za pripremu neophodne projektne dokumentacije za realizaciju većih aktivnosti iz Programa za 2020. godinu. Izabran je najpovoljniji ponuđač: „Zavod za vodoprivredu d.d. Sarajevo“ - kao vodeći član grupe ponuđača i Dvokut – pro d.o.o. Sarajevo – kao član grupe ponuđača, koji će izvršiti izradu sljedećih projektnih zadataka:

- 1) Projektni zadatak za izradu dopuna i korekcija Glavnog projekta HIS Višnjica iz 1998. godine za proširenje prostora za odlaganje prema čelu deponije „Smiljevići“ na površini od oko **37.000 m²**, u skladu sa studijom Svjetske banke;
- 2) Projektni zadatak za izradu projekta za izvođenje radova otplinjavanje dijela odlagališta gdje je vršeno improvizirano odlaganje;
- 3) Projektni zadatak za izradu glavnog projekta za prekrivanje i zatvaranje ploha deponije u cilju smanjenja produkcije filtrata na površini od cca. 11 Ha;
- 4) Projektni zadatak za izradu Programa radova i realizaciju radova na testiranju funkcionalnosti postojećeg drenažnog sistema (sa obilježivačem ili bez obilježivača uz primjenu drugih metoda) sa izradom elaborata sa prijedlogom mjera sanacije za razdvajanje čistih od procjednih voda:

Na osnovu izradenih projektnih zadataka vršit će se izrada glavnih projekata, a zatim njihova revizija, na osnovu kojih će se ići u izbor najpovoljnijeg izvođača radova. Navedeni projektni zadaci su od izuzetne važnosti za sanaciju stanja na deponiji „Smiljevići“.

Nova ploha za odlaganje otpada površine 10.000 m² stavljena u upotrebu 2020. godine do danas je zapunjena u mjeri od oko 80% svog kapaciteta, te se procjenjuje da će se ista moći koristiti do izgradnje nove plohe površine 5.000 m². S tim u vezi, Ministarstvo je u saradnji sa KJKP „Rad“ d.o.o. Sarajevo na osnovu potpisanog Sporazuma o realizaciji aktivnosti na „Izgradnji plohe za odlaganje komunalnog otpada na deponiji "Smiljevići" na površini od 5.000 m²“, broj: 05/27-04-49835/21 od 27.04.2021. godine i Anex I tog Sporazuma, broj: 05/27-04-49835-1/21 od 12.07.2021.godine, uspješno realizovalo nabavku izbora izvođača radova na izgradnji plohe na površini od 5.000 m². Ministarstvo i KJKP „Rad“ d.o.o. Sarajevo potpisali su Ugovor sa izvođačem radova „Bosman“ d.o.o. Sarajevo, broj: 05-11-32768/21 od 03.09.2021. godine, čija vrijednost iznosi 642.946.22 KM (sa uračunatim PDV-om). U toku je izvođenje radova na izgradnji plohe za odlaganje komunalnog otpada na površini od 5.000 m² a nadzor nad izvođenjem radova na izgradnji



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086.
Fax: + 387 (0) 33 562-177

Sarajevo, Reisa Džemaludina Čauševića 1



predmetne plohe vrši Zavod za izgradnju Kantona Sarajevo. Kako je vijek trajanja nove plohe u izgradnji oko pola godine, i dalje je potrebno hitno obezbijediti novi odlagališni prostor.

Preduslov za izradu projektne dokumentacije za proširenje deponije prema čelu na površini od oko 37 000 m² je sanacija dijela odlagališta koje je narušeno iskopavanjima po nalogu Tužilaštva BiH.

Ministarstvo je sa Tužilaštvom BiH potpisalo Sporazum o provedenju zajedničke jave nabavke radova za sanaciju devastirane lokacije na deponiji „Smiljevići“, broj: 05-11-37232/21 od 12.11.2021.godine, te je navedena nabavka objavljena na portalu javnih nabavki, a otvaranje ponuda predviđeno je za 02.02.2022.godine.

Zbog navedene neuređenosti sistema, odvodnje i drenaža unutar deponije „Smiljevići“, izostanka gornjeg brtvenog sloja, kao i dokazanih varijacija u sastavu procjedne vode sa promjenom intenziteta dotoka padavina „prije izbora kapaciteta i tehnologije uređaja, potrebno je prvo urediti stanje odvodnje (razdvajanje i sanacija drenažnih sistema i ugradnja gornjeg brtvenog sloja), zatim utvrđene količine i kvalitet procjednih voda i najzad izvršiti izbor kapaciteta i tehnologije uređaja za predtretman ili tretman“.

Zbog toga Ministarstvo je također realizovalo nabavku za izbor najpovoljnijeg revidenta, pa s tim u vezi:

Završena je revizija od strane odabranog revidenta „Zavoda za vodoprivredu d.d. Sarajevo“ za: „Glavni projekat za prikupljanje postojećih izvora na RCUO „Smiljevići“ u Sarajevu“; i Procedura revizije od strane drugog odabranog revidenta „Instituta za građevinarstvo “IG” Banja Luka“ za: „Glavni projekat za prikupljanje i prihvatanje procjednih voda ispod centralnog dijela odlagališta na lokalitetu na RCUO „Smiljevići“ u Sarajevu“ je u završnoj fazi. Projektant ES HYDROTECHNICS d.o.o. Sarajevo je izvršio korekciju projekta, a sve prema dostavljenom Izvještaju revidenta Instituta za građevinarstvo “IG” Banja Luka.

Na osnovu ova dva revidovana projekta pokrenut će se procedura izbora izvođača radova kojim će se izvršiti razdvajanje i sanacija drenažnih sistema u cilju utvrđivanja količine i kvaliteta procjednih voda, na osnovu čega će se moći pristupiti razmatranju tehnologije za predtretman procjednih voda.

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i KJKP „Rad“ d.o.o. Sarajevo zaključili su Sporazum o realizaciji aktivnosti nabavke “Provođenja monitoringa u skladu sa definisanim parametrima iz Okolinske dozvole za deponiju Smiljevići”, broj: 05-11-41213/21 od 24.11.2021. godine, na osnovu kojeg će KJKP “Rad” d.o.o. Sarajevo provesti proceduru javne nabavke za monitoring propisan Okolinskom dozvolom, a



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086.
Fax: + 387 (0) 33 562-177

Sarajevo, Reisa Džemaludina Čauševića 1



Ministarstvo će izvršiti doznačavanje sredstava u iznosu od 140.000.0 KM za navedene usluge po potpisanom Ugovoru sa najpovoljnijim ponuđačem. Procedura i ove javne nabavke je u toku.

S poštovanjem.



Dostavljeno:

1. Skupština Kantona Sarajevo, 2x
2. Vlada Kantona Sarajevo, na znanje
3. Evidencija.
4. a/a.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086.
Fax: + 387 (0) 33 562-177

Sarajevo, Reisa Džemaludina Čauševića 1

